

INUIT ATAQATIGIIT

INATSISARTUNI



UPA2022/102

30.03.2022

Hans Aronen

Nunatsinni qimussertarnermik kulturip ineriartortinnejarnissaanut tammatsaaliornejarnissaanullu Arctic Nomads innersuussutai 22-vit isumassarsiorfigalugit periusissiornissamik Naalakkersuisut peqquneqarnissaannik Inatsisartut aalajangiiffigisassaattut siunnersuut. Periusissiaq sapinngisamik qimmeqarfinnik ataasiakkaanik suleqateqarluni suliarineqassaaq. Periusissiaq kingusinnerpaamik UKA2023-imi saqqummiunnejassaaq.

(Inatsisartunut ilaasortaq Doris Jakobsen Jensen, Siumut)

Kalaallip qimmia qimuttoq atuuffimmini piginnaaneri pillugit nunarsuarmi tusaamasaavoq tupinnartoq.

Uangulli nunarsuarmioqataasutut teknikkikkut ineriartupiloornitsinni siuariartuinnarsimasugut sorpassuartigut ullumikkumut naleqqussarsimavugut. Nunatsinnili qimmerput qimuttoq qangarsuaaniilli atuuffimmini suli allanngorujussuarsimanani atuuppoq.

Sulilu piniutitut angallassissutitut aamma ukiuni makkunani unammissutitut nuannarineqarluartumik atorparput. Qimmiatalu qimuttup sorpassuartigut sunnerneqanngikkaluarluni killiffia Inuit Ataqatigiinniik tulluusimaarutigilluinnarippuk matumuuna oqaatigissuara.

Aappi ilumoorpoq qimmerput qimuttoq ukiuni makkunani silap pissusaata allanngutainik, angallatinillullu pisariinnerusunit soorlu sneskooterit piusinnaanera annertuumik aarlerinartorsiortinnejarpooq. Tamannali suleqatigiinniikut pitsaap tungaanut saatikkiartuaarnissaa siuttuuffigissavarpu.

INUIT ATAQATIGIIT

INATSISARTUNI



Eqqaamasassaavorli qimuttoqarnerup qanga piniutitut atorluarneqarnermigut ukiunnerani inuussutissarsiatitut erlinnartutut naleqartinneqarluarluni pitsaalluinnartumik siuliulitsinniit isumagiuartuarneqarsimammat.

Uangulli qimmeqarfinni meeraalluta perortut perorsarneqarnitsinni ilaatigut sakkortuumik akisussaaffigivillugulu ullormut pissuseqarnissarput ataatsatsinnik piumasagaataasarsimavvoq. Soorlu "illittulli qimmeq ullormut nerinissamik pisariaqartitsivoq, neritinnak siulliullugu neriseqqaartariaqarpat!".

Taamatullu perorsangaanikugut amerlanerpaat qimmeqarnikkut akisussaaffimmik pimoorussinissamillu tigusisimasugut qularnanngilluinnarpoq.

Naalakkersuisut periusissiortinneqassappata maluginiagassatut pingaartutut makku ilangngukkusuppagut:

Ukiuni makkunani piniartut puisinik aalisakkanillu pisarisartakkamik sinnerinik akikillillugit aningaaasarsissutigilluakkaminnik qimuttunik qimmilinnut tunisaqarluartarput. Umiatsiaararsortunullu ukiup qanoq ilinera apeqqutaatillugu aalisarnikkut periaffissakillisimasunut aningaaasarsiornikkut tapertaalluuartartumik.

Kiisalu aalisakkerivinni aalisakkat perlukuunik ukiuni makkunani amerlanerpaatigut akeqanngitsumik qimmiutilinnit pineqartartunik aamma qujanaqisumik periarfissaqarpoq, Tamannalu kiormanna ataatsimiititaliani angalanitsinni ilulissani Halebut Grenlandimi qalerallit sinnikuunik eqqagassanik qimmiutillit nerukkaatissatut aaneqarsinnaasunik periarfissaqartitsisoq paasginga.

Nunatta avataaneersunit tikisinneqartartunit pisariitsumilli nerukkaatissiaasunit akikinnerulersussanillu piniartut tunisarisartagaat unammillerneqalerunik piniartut inuussutissarsiornerannut sunniuteqassaaq. Aammalu Aalisakkervinni perlukut eqqaannarneqartartut amerlasoorujussuanngussallutik.

INUIT ATAQATIGIIT

INATSISARTUNI



Tamakku taakkartukkagut periusissiornissamut ilanngullugit eqqarsaatigineqartariaqartut isumaqarpunga.

Ilanngullugu nunatsinni piniarnikkut aalisarnikkullu pisarineqartartut atorluarneqartullu, naalakkersuinikkut qanoq atorluarneqarsinnaatiginersut qulaajassallugu soqtiginarnerutippara. Nunatsinni ukioq kaajallallugu neqit puisineersut arferneersullu aalisakkat perlukui allarpassuillu eqqaannarneqartartut tusartuarpagut. Tamakkua nunatsinni katarsorlugit qimmit nerukkaatissaannut arlaannullu atorluarneqalerunik nunatsinni Imminut pilersornitsinnut aamma kaaviaatitanut ilaalersussat qularutissaanngilaq.

Siunnersuut soqtiginarpoq, Naalakkersuisullu siunersuut inatsisartuni akuerneqassappat piumasaqaatitut ilanngukkumasaat akisussaaffiliinerusut pisariaqartullu oqallisiginissaat soqtiginarluinnarput.

1. Tapiissutit tunniunneqassasut nerukkaatissanut uumasut nakorsaannit akuerineqarsimasunut pitsaasunullu aamma kalaallit qimmiisa qimuttut pisariaqartitaannut naleqqussakkanut taamaallaat akuerineqartassapput.
2. Qimmiutillip nappaatinut akiuussutissanut kapuuisarnissat malissimappagit, tapiissutit aatsaat akuerineqassapput.
3. Qimuttunik qimmiutillip uumasut illersorneqarnissaat pillugu inatsit unioqqutillugu eqqartuunneqarsimappat tapiissutit atorunnaarsinneqassapput)

Tamatut oqaaseqarluta naalakkersuisut periusissiamik saqqummiinissaq piffissaqarlutarlik ingerlattariaqaraat isumaqarpunga.